



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2016 йил 23 август, № 163 (6598)

Сешанба

Сайтимишга ўтиш учун QR-коднинг телефонингиз орқали сканер қилинг.



ГЎЗАЛ ВА БЕТАКРОРИМСАН, МУҚАДДАС ВАТАНИМ, ЖОНИМ СЕНГА ФИДО, ЎЗБЕКИСТОНИМ!

Ўзбекистон Республикаси Президентининг ФАРМОНИ

ИШ ҲАҚИ, ПЕНСИЯЛАР, СТИПЕНДИЯЛАР ВА НАФАҚАЛАР МИҚДОРИНИ ОШИРИШ ТЎҒРИСИДА

Республика аҳолисининг даромадлари ва турмуш даражасини янада муттасил ошириб бориш, фуқароларга ижтимоий маддни кучайтириш мақсадида:

1. 2016 йилнинг 1 октябидан бошлаб бюджет муассасалари ва ташкилотлари ходимларининг иш ҳақи, пенсиялар, стипендиялар ҳамда нафақалар миқдори ўрта ҳисобда 1,15 баравар оширилсин.

2. 2016 йилнинг 1 октябидан бошлаб Ўзбекистон Республикаси ҳудудида энг кам:

иш ҳақи — ойига 149 775 сўм;
ёшга доир пенсиялар — ойига 292 940 сўм;
болалиқдан ногиронларга бериладиган нафақа — ойига 292 940 сўм;

зарур иш стажига эга бўлмаган кекса ёшдаги ва меҳнатга лаёқатсиз фуқароларга бериладиган нафақа ойига 179 755 сўм миқдоридан белгилансин.

3. Белгиланган кўйилсинки, иш ҳақи ҳамда пенсияларга қўшилган уста ва кўшимча ҳақларнинг барча турлари, энг кам иш ҳақига нисбатан белгиланган компенсация ва бошқа тўловлар 2016 йилнинг 1 октябидан бошлаб мазкур Фармонда белгиланган энг кам иш ҳақи миқдоридан келиб чиққан ҳолда амалга оширилади.

4. Ўзбекистон Республикаси Молия вазирлиги Меҳнат вазирлиги ҳамда бошқа манфаатдор вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, бюджетдан молияланадиган ташкилот ҳамда муассасалар билан биргаликда пенсиялар, стипендиялар ҳамда бюджет муассасалари ва ташкилотлари ходимларининг лавозим маошлари миқдорини мазкур Фармон қоидаларидан келиб чиққан ҳолда ўз вақтида қайта ҳисоблаб чиқишни таъминласин.

5. Бюджет муассасалари ва ташкилотлари ходимларининг иш ҳақи, пенсиялар, нафақалар ва стипендияларнинг оширилиши билан боғлиқ сарф-харажатлар Ўзбекистон Республикаси Давлат бюджети ва Молия вазирлиги ҳузуридаги бюджетдан ташқари Пенсия жағмармаси маблағлари ҳисобидан амалга оширилсин.

Хўжалик ҳисобидаги корхона ва ташкилотлар 2016 йилнинг 1 октябидан бошлаб мазкур Фармонда белгиланган энг кам иш ҳақи мурофи, ишлаб чиқариш самарадорлигини ошириш ва меҳнат сарфини камайтириш ҳисобига иш ҳақи миқдорини оширсин.

6. Ўзбекистон Республикаси Президентининг 2015 йил 26 августдаги ПФ-4751-сонли Фармони (6-банди истисно қилинган ҳолда) 2016 йилнинг 1 октябидан ўз кучини йўқотган, деб ҳисоблансин.

7. Ўзбекистон Республикаси Адлия вазирлиги Молия вазирлиги билан биргаликда бир ой муддатда қонун ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

8. Мазкур Фармоннинг ижросини назорат қилиш Ўзбекистон Республикасининг Бош вазир Ш. Мирзиёев зиммасига юклансин.

Ўзбекистон Республикаси
Президенти

И. КАРИМОВ

Тошкент шаҳри,
2016 йил 22 август

Барчамиз яхши биламизки, ҳаётдаги ҳар қандай ютуқ, айниқса, спорт оламидаги галаба ўз-ўзидан келмайди. Спорт майдонларида эришиладиган ютуқ — бу аввало бутун борлигини сафарбар этиб, ўз олдига қўйган мақсад йўлида ўзини енгиб, ўзини аямасдан, курашиб яшайдиган инсоннинг ютуғи, ана шу инсонни тарбиялаб вояга етказган таълим-тарбия масканининг, бутун жамиятимизнинг ютуғидир.

Ислом КАРИМОВ



БУ — ЎЗБЕКИСТОННИНГ ЮТУҒИ!

Бразилиянинг Рио-де-Жанейро шаҳрида ўтказилган XXXI ёзги Олимпиада ўйинларида спортчиларимиз 4 та олтин, 2 та кумуш, 7 та бронза медални қўлга киритиб, Мустақиллигимизнинг 25 йиллиги байрамига ажойиб совға ҳозирлашди.

Дарҳақиқат, тўрт йилликнинг энг нуфузли мусобақасида вакилларимиз эришган улкан галаба истиклолимизнинг чорак асрлик байрамини эҳр тантана сифатида нишонлаш арафасида турган халқимизга олам-олам қувонч бағишлаб, янада кўтаринки кайфият бахш

эти. Таъкидлаш жоизки, Президентимизнинг “Ҳеч бир нарса мамлакатни спорт каби тезда дунёга

машҳур қила олмайди”, деган сўзи яна бир бор ўз тасдиғини топди. Рио-де-Жанейрода маҳорати, ши-

жоати, қатъияти билан муҳлису мутахассислар меҳрини қозонган Ҳасанбой Дўстматов, Шаҳобиддин Зоиров, Фазлиддин Ғойибназаров, Руслан Нурудинов, Шаҳрам Ғиёсов, Бектемир Мелиқўзиев, Ришод Собиоров, Дийрбек Ҳасанов, Рустам Тўлағанов, Муроджон Аҳмадалиев, Элмурод Тасмуродов, Ихтиёр Наврўзов ҳамда Магомед Ибрагимов тимсолида жаҳон аҳли спортчиларимизнинг бугунги салоҳиятини кўрди ва тан олди. “Ўзбекистон бокс мактабидан ўрганиш керак”, “Ўзбекистон оғир атлетикачиси — янги рекордчи”, “Ўзбекистон — маҳоратли полвонлар Ватани” сингари хар биримизга чексиз фахр бағишлайдиган турли эътирофлар янгради.

(Давоми 4-бетда).



“Рио — 2016”нинг фақат бокс мусобақаларида 76 давлатдан 287 нафар атлет соҳиблари ўринлар учун курашди. Яқинда 3 та олтин, 2 та кумуш ва 2 та бронза медални қўлга киритган Ўзбекистон чарм қўқоқ усталари умумжамоа ҳисобида биринчи ўринни банд этди. Кейинки поғоналардан Куба, Франция, Қозғистон, Россия, Буюк Британия, АҚШ, Бразилия, Хитой, Озарбайжон, Колумбия, Голландия, Хорватия, Филияндия, Германия, Марокаш, Мексика, Мўғулистон ҳамда Венесуэла жой олди.

(Давоми 2-бетда).

«ПРЕЗИДЕНТГА МАКТУБЛАР» КИТОБИНИНГ ТЎРТИНЧИ ЖИЛДИ НАШРДАН ЧИҚДИ

«Маънавият» нашриёти томонидан «Президентга мактублар» китобининг навбатдаги — тўртинчи жилди чоп этилди.

Ушбу китобдан 2013 — 2016 йиллар давомида Ўзбекистон Республикаси Президенти Ислом Каримов номига мамлакатимиз ва хорижий давлатлар фуқаролари ҳамда нуфузли халқаро ташкилотларнинг раҳбарлари, танқили сиёсатчилар, жамоат арбоблари томонидан келган хатлар ва уларга жавоб мактубларидан айрим намуналар ўрин олган.

Мазкур хатларни ўқир экансиз, турли соҳа ва тармоқларда меҳнат қилаётган, ёши, касбу кори, миллати ва дунёқарашига қўра, бири-биридан фарқ қиладиган мактуб эгаларининг ўй-фикрлари, орзу-интилишлари нақадар холис ва самимий экани, уларни умумий бир хусусият — она-Ватанимизга, халқимизга, Президентимизга меҳр ва ишонч бирлаштириб турганини яққол ҳис қиласиз.

Ватанимизнинг турли ҳудудларидан Юртбошимиз номига юборилган хатлар Ўзбекистоннинг бугунги тараққиёт манзарасини, барча соҳа ва тармоқларда эришяётган ютуқ ва марраларимизнинг миқдоси ва қўлими, уларнинг юртдошларимиз ҳаётига қўрсатаётган ижо-

бий таъсирини бамисоли ёрқин кўзгудек намоён этиши билан аҳамиятлидир.

Бугунги кунда шиддат билан ўзгариб бораётган замоннинг ўзи шуни қўрсатмоқдаки, одамларимиз, аввало, ўзига, оиласига бевосита дахлдор бўлган воқеа-ҳодисалардан, ўзгаришлардан тўғри хулоса чиқариб, бу жараёнда ўзининг ўрни ва таъсири қандай эканини тушуниб, англаб, ҳаётга, келажаққа катта ишонч билан яшамоқда. Айни мана шу хусусият барча мактубларнинг бош ғояси, бош мавзуси, десак, хато бўлмайди.

(Давоми 2-бетда).

МАҲАЛЛА ТИНЧ — ЮРТ ТИНЧ

Истиклолнинг йигирма беш йили давомида мамлакатимиз изчил тараққиёт йўлини босиб ўтди, улкан ютуқ ҳамда муваффақиятларни қўлга киритди. Бу, албатта, ўз-ўзидан амалга ошаётгани йўқ. Президентимизнинг “Ўзбекистон Республикаси давлат мустақиллигининг йигирма беш йиллик байрамига тайёргарлик қўриш ва уни ўтказиш тўғрисида”ги қароридан таъкидланганидек, кўпни кўрган, меҳнаткаш ҳамда олижаноб халқимизнинг мардлиги ва матонати эвазига эришяётган бундай марра ҳамда натижалар Ватанимизнинг обрўсини янада юксалтириб, кўпгина мамлакатлар вакилларини қойил қолдиряётгани ва уларнинг ҳавасини уйғотаётганини кузатиш қийин эмас.



Дарҳақиқат, кенг қамровли илохотлар самараси бўлмиш оламшумул ютуқларимиз халқаро майдонда ҳам ўз эътирофини топмоқда. Аввало, бунинг замирида Ватанимизда тинчлик ҳамда осойишталик ҳукм сураётгани мубассам. Зеро, шу икки омил ривожланишнинг муҳим шартли экани бугун ҳеч кимга сир эмас. Шу боис истиклолнинг илк йиллариданоқ тинчлик ва осойишталик кафолати сифатида ички ишлар идоралари

(Давоми 2-бетда).

ОЛИЙ МАЖЛИС МУВАПАҚАТЛАРИНИ ОЛТИНЧИ ЯЛПИ МАЖЛИСИ ОЛДИДАН

Ёшларга оид давлат сиёсати

қонуний асосларини такомиллаштириш баркамол авлод тарбиясида муҳим аҳамият касб этади

Парламентимиз юқори палатасининг навбатдаги ялпи мажлисида кўриб чиқиши мўлжалланган янги тахрирдаги “Ёшларга оид давлат сиёсати тўғрисида”ги Қонун келажагимиз эгалари ҳаётида муҳим тарихий воқеа бўлиши кутилмоқда.

Дарҳақиқат, навқирон авлод ҳар бир мамлакатнинг эртанги кунини, жамиятда ўзгаришларга сабаб бўладиган, бунёдкорлик ғояларини ҳаётга татбиқ этувчи муҳим куч, салоҳиятлик ресурс ҳисобланади. Албатта, ёшларни ижтимоий, маънавий ва моддий

жиҳатдан қўллаб-қувватлаш, ҳуқуқ ҳамда мажбуриятларини тўлақонли рўйбга чиқаришга қўмақлаштириш, жамиятда муносиб ўрин эгаллашларига қўлай шароит яратиш орқали уларни юрт тақдири ва келажагини ҳал қилувчи катта кучга айлантириш мумкин. Шунинг учун ҳам мустақилликнинг дастлабки ойларида эътиборан янги давлат ҳамда жамиятни барпо этиш билан боғлиқ кун тартибдаги долзарб масалалардан бири сифатида ёшларга оид давлат сиёсати ва уни амалга ошириш ме-

ханизминини ишлаб чиқиш ва зифаси кўйилди. Ана шу сазй-ҳаракатлар давоми сифатида 1991 йил 20 ноябрда, давлат мустақиллиги эълон қилинганидан кўп ўтмай, “Ўзбекистон Республикасида ёшларга оид давлат сиёсатининг асослари тўғрисида”ги Қонун қабул қилинди. Ушбу ҳужжат мамлакатимизда ёшларга оид давлат сиёсатининг миллий концепцияси ҳамда айнан эртанги эгалари манфаатларини ишончли муҳофаза этишга қаратилган дастлабки ҳуқуқий ҳужжат бўлди, де-

сак, муболага эмас. Унда нафақат ёшлар бўйича давлат сиёсатининг мақсад ва тамойиллари, ҳатто, бугунги кун нуқтаи назаридан улар билан боғлиқ ўта принципиал масалалар ҳам ўз аксини топди. Қонунда илк бор ёшлар ҳаётига оид сиёсат ҳамда дастурларни ишлаб чиқиш ва амалга оширишда ёшларимизнинг бевосита иштирок этиши асосий вазифалардан бири сифатида белгиланди.

(Давоми 2-бетда).

Ўзбекистон Республикаси Олий Мажлиси Сенати олтинчи ялпи мажлисининг очилиши тўғрисида

Ўзбекистон Республикаси Олий Мажлиси Сенатининг олтинчи ялпи мажлиси 2016 йил 24 август кунини эрталаб соат 10.00 да Тошкент шаҳрида, Ўзбекистон Республикаси Олий Мажлиси Сенатининг мажлислар залида очилди.

Ўзбекистон Республикаси Олий Мажлиси Сенатининг аъзолари диққатига!

Ўзбекистон Республикаси Олий Мажлиси Сенатининг аъзолари 2016 йил 23 август кунини соат 9.00 дан 18.00 га қадар Ўзбекистон Республикаси Олий Мажлиси Сенати биносининг фойвесида рўйхатга олинади.

(Давоми 2-бетда).

